



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 5. Antonius de Crequis Cardinalis mortuus.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.
A. C. 1574
tum adeptus ibidem pro suæ Nationis juvenibus Collegium erexit. Mortuo Pio IV. Pontifice in sacris comitiis Cardinales plures sua in eum suffragia conferebant, quamvis in Papam non eligeretur: subrogato autem Pio V. sancti Vitalis titulum dimisit, atque illum sanctæ Mariæ Trans-Tyberim adoptavit, dein creatus Albanensis Episcopus: præterea rursus quosdam Purpuratos sibi suffragantes habuit, cum Gregorius XIII. Pontifex renuntiaretur: eo autem Divi Petri Cathedram moderante Riccius die tertia Mai Anno Incarnationis Dominicæ millesimo quingentesimo septuagesimo quarto obiit anno ætatis suæ circiter septuagesimo septimo: natus enim erat Anno Salvatoris nostri millesimo quadringentesimo nonagesimo septimo, Corpusque ejus Romæ in sancti Petri de Monte aureo sacello a se ædificato terræ mandatum est.

§. V.

Antonius de Crequy Cardinalis mortuus.

*Ciacon.
pag. 967.
Aubery l. c.
Frizon Gall.
Purp.*

Alter ex Cardinalibus erat Antonius de Crequy natione Gallus, Filius secundo genitus Joannis Crequii, & Mariæ Acigne de Boscobello. Ceterum Antonius ex S. Juliani Turonum Abbate, Præpositus S. Petri de Selincourt,

Sæcul XVI.
A C. 1574.

court Ordinis Cisterciensis creabatur, qui hæreditario jure plurima domus suæ bona possederat, & postea militiæ sancti Michaelis Eques electus, demum ab Henrico II. Teruanæ, quæ hodie Bononia maritima appellatur, Episcopus, & postea Nannetensis Præsul nominatus fuit, anno autem Christi millesimo quingentesimo sexagesimo primo dimisso hoc Episcopatu Ambianensem sedem obtinuit, quam urbem die prima Januarii anno sequenti ingressus est: denique cum apud Carolum IX. gratia, & auctoritate plurimum valeret, ad eisdem Regis preces quamvis absens in quarta Cardinalium inauguratione a Pio IV. facta die duodecima Martii Anno post Christum natum millesimo quingentesimo sexagesimo quinto Romana purpura decorabatur, ac Cardinalis Presbyter titulo sancti Tryphonis creabatur. Ceterum cum hic Cardinalis calculi doloribus graviter afflictus decumberet, Medici convenere deliberaturi de remedio afferendo, ubi eorum aliquis suavit, ut Antonius commercium haberet cum muliere, eo quod sic certo certius sanitatem recuperaturus esset, quo illi significato respondit; *absit, ut jacturam æternam animæ faciam pro sanitate temporanea cadaveris*: porro ex hac vita migravit die vigesima octava Maji, seu

Sæcul. XVI. seu juxta alios die vigesima Junii anno
A.C. 1574. salutis millesimo quingentesimo septua-
 gesimo quarto in civitate Ambianensi
 sepultusque fuit in sua Ecclesia Ca-
 thedrali: postquam magnam pecunia-
 rum summam in supremis tabulis Ec-
 clesiis diversis ad pios usus contulit:
 eundem oratione funebri laudavit ja-
 cobus Segurier Canonicus, & Cancel-
 larius Ambianensis.

§. VI.

Cribellii Cardinalis extrema.

*Ciacon. &
 Aubery l. c.
 Andr. Villo-
 rel. in add.
 ad Ciacon.*

Tertius inter Purpuratos hoc anno fa-
 tis functus erat Alexander Cribel-
 lius Mediolanensis ex nobili Cribellio-
 rum familia natus, ex qua Urbanus III.
 Papa, pluresque alii Viri ad Beatorum
 album relati prodire. Alexander ad-
 huc juvenis profanam militiam profes-
 sus erat, in patriam vero reversus uxorem
 duxerat ibidem Senatoris munere
 functus, mortua tamen conjuge a Pio
 IV. Romam accersitus Cariatensis in
 Calabria Episcopus die decima Martii
 Anno Redemptoris millesimo quingen-
 tesimo sexagesimo primo creabatur, ac
 demum Sedis Apostolicæ Nuntius in
 Hispaniam ablegabatur, quam etiam le-
 gationem obiens ab eodem Papa Anno
 Christi millesimo quingentesimo sexa-
 gesimo quinto Cardinalis Presbyter ti-
 tulo,